



UNIVERSITÄTS-
BIBLIOTHEK
PADERBORN

Sacrarvm Antiquitatvm Monvmenta

Hillesheim, Ludwig

Antverpiæ, 1577

Samson.

[urn:nbn:de:hbz:466:1-68887](https://nbn-resolving.org/urn:nbn:de:hbz:466:1-68887)



Iudicium 13. *Celsior humano, nec noto robore Samson,*
 14, 15, 16. *Mole gigantea conspiciendus adest.*

Acta

Acta viri maiora fide, sed finxit in illo
 Conditor, humano corpore maius opus.
 Gignitur è sterili, celo prænunciatus ales
 Fata noui fœtus prodigiosa canit:
 Hunc fore qui gentem tot belli cladibus ægram
 Adferat, & forti vindicet altus ope.
 Addita lex, sanctum superis fore, nectaris vsus
 Expertem, intonso vertice ferre comas.
 Huius opus, rigidum dextra strauisse leonem,
 Mellaq; cum liquidis inde tulisse fauis.
 Mille viros atque osse putri prosternere letho,
 Cælitus & nato fonte leuare sitim.
 Claustraq; portarum, solidos perfringere postes,
 Sublatosq; altis imposuisse iugis.
 Quid cum clade noua truculentos vsus in hostes,
 Tercentum totos vulpibus vsit agros?
 Flamma vorax siquidem nexis superaddita caudis
 In segetem sparsas compulit ire feras.
 Inuictum sed dira lues heroa subegit
 Roboris arcanum non tenuisse sacri.
 Fortia nam rasis languescunt membra capillis,
 Et perdit geminos captus ab hoste oculos.
 Sed maior redeunte coma vindicta parata est,
 Cùm ruerent forti diruta tecta manu.
 Hostilesq; globos subita pressere ruina,
 Cum quibus & vindex sustinet ipse mori.
 Naziri signata fides sub imagine Christi est,
 Ille decus verum nominis huius habet.

C 4 SAMVEL.